

(тахминан 1797-1842)

(1825-1842)

Хива хони, Кўнгиротлар сулоласидан. Мухаммад Рахимхоннинг ўгли. Оллохкулихон даврида зулм, талончилик, ўзаро урушлар кучайган. Оллохкулихон Бухоро билан сулх тузилганига карамай 7 марта Бухоро хонлиги худудига юришлар килиб, кишлокларни талаб кайтган. Хуросонга 5 марта юриш килган. Коракалпок ва туркманларнинг кўзголонларини бешафкат бостирган (1828-йил). Россия билан савдо ва элчилик муносабатларини (1840-1841-йиллар) ривожлантирган.

Оллохкулихон даврида Хивада карвонсарой, тим, 111 та хона ва бўлмали Тошхўвли саройи (1834-1835-йиллар), Ичан калъанинг шаркий дарвозасига туташтириб қурилган Оллохкулихон мадрасаси, Ок масжид, Саитбой масжиди, Тошховуз калъаси (1835-1836-йиллар) ва бошка иншоотлар қурилган. Янги каналлар қаздириб сугориладиган ерларни кенгайтирган. Хива шахрининг ободончилиги учун кўп меҳнат сарф қилган. Оллохкулихон даврида кошинпазлик (кошинкорлик) санъати юксак чўккига чиққан. Пахлавон Махмуд макбараси ва Кўхна Арк кошинлар билан безатилган. Сайид Аловуддин макбараси ва бошка кўпгина тарихий обидалар таъмирланган. Арабхон ва Мухаммад Амин инок мадрасалари кайтадан қурилган.

Хива шахрининг атрофи мудофа девори билан ўраб олинган (1842-йил). Ичан калъа ташкарисида яшаётган аҳолини химоя қилиш мақсадида Дишан калъа (Ташқари калъа) қурилган. Калъанинг узунлиги 6250 метр бўлиб, шундай улкан қурилиш кучи билан пахсадан 30 кун давомида қуриб битказилган. Ичан калъанинг жанубий дарвозасидан Дишан калъа деворларигача бўлган масофа 300-400 метрни ташкил қилади.

Оллохкулихон 1842-йил Чоржўйга юриш қилиб калъани камал қилган пайтда огир касалга дучор бўлиб, орқага қайтишга мажбур бўлган ва 1842-йил 23-ноябрда вафот этган. Уни ўзи хаёт вақтида тайёрлаб қўйган Пахлавон Махмуд макбарасига дафн этишган.